



CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

12

T 3185/7332 .81



國朝隨州太守李公去思碑

哈佛大學漢和
圖書館珍藏印

隨民飽鋒鏃若而歲飽藺絲亦復若而歲天首酌

顧借李公陽春先到一時湯火俱蘇公以名賢少

負儁才博

學宏

詞於文苑會今上首寶錄之初

書除刺漢東國之隨比三年男安於耕女安於織

章繼安詩書刈肆而居牽車而遊者不病折閱而

安貫解劔非仇歸田息訟獄簡而詞清花繁而木

秀郡人爲之歌來暮政聲藉甚主爵晉各郡司馬

上民僉曰噫異哉奪予保障耶於時鄉之薦紳子

於暨鄉三老里賦長各焚香祝頌志不忘且聚族
而謀伐石斬余紀焉余以公治狀殘積片石何足
詳則交日謂余請撮次公大者余曰唯唯大都今
日官之視事也如郵衆之視官也如梗誰復有以
實心行實政如公者哉公下車極知天下初平兵
火餘生不堪重困務一意去其害焉者而已蓋東
南陞科號繁劇而隨爲甚一輪里役諸務蝟集有
產破不爲家者公爲一其條編均其勞逸不使支
於左者調於右而殘黎咸加額稱便舉前此有司

急之則如窮猿而緩則又爲驕子者今且輸誠而
磨載如歸也進者星瞻斗間士氣如秋蓬宮墻卒
難不爲補而公風流文采起坐壁之衰新文廟每
進諸生課以藝丹鉛至再甲乙之無失才且割養
廉之餘以補貧不能振者卽今鬱鬱盤盤五色雲
冠文峯頂也城守爲邇來急務然斗大一州實難
容兵坐鎮防禦舊有二百戶所頃緣亂離而逃亡
者過半公爲招撫著伍時加操練如司馬法砥疇
昔空城烏集鷺鴻而竄去者相萬也虞芮鬪呼昔

皆勇於抱贖吝於輸情有司臆快肺石多飲啼公
則呼而前如課家人事屈臂而負伸臂而理各服
去不復問酒家宿也且數行磨勘灑如松風何物
贖錢得涉公之紙尾耶城社借叢舞長吏如掌間
公廉實大創之群下驚猶神明也閭左無賴或單
詞告密陰螫人者百碎公然犀炤之魍魎不知從
何處消磨也大要公以懸絲挂床而箕拂地鞭蒲
以鞠草栽花而箕戴星履泓以投巫縛劫而箕味
道談經諸如前類且載田叟紅女口中石以代

鑿而予以代石語他日後公若摩安石下蓋公之
風而與猶然公之賜也公名鴻雷字仲默別號錦
秋壬午舉孝廉山東之長山人

郡人陳奇抱代

謝延漢立石

序

李秀才東園序

歐陽修

修友李公佐有亭在其居之東園今季春以書抵
洛命修志之李氏世家隨隨春秋時繭漢東大國

魯桓之後楚始盛隨近之常與爲鬪國相勝敗然
怪其山川土地既無高深壯厚之勢封域之廣與
鄆蓼相介纔一二百里非有古疆諸侯制度而爲
大國何也其春秋世未嘗通中國盟會朝聘僖二
十年方見於經以伐見書哀之元年始約列諸侯
一會而罷其後乃希見其僻居荆楚蓋於蒲騷尊
蓼小國之間特大而已故於今雖名藩鎮而實下
州山澤之產無天材土地之貢無上物朝廷達官
大人自闕陬嶺微出而顯者往往皆是而隨逸在

天子千里內幾百年間未出一士豈其地貧薄地
自古然也予少以江南就食居之能道其風土地
既瘠枯民給生不舒愉雖豐年大族厚采之家未
嘗有樹林池沼之樂以爲歲時休暇之嬉獨城南
李氏著姓家多藏書訓子孫以學予爲童

漢東編年志序

志者識也志故有體大概不越職方氏所掌識地
輿則山川疆域形勝分野祥異風俗脩識食貨則
戶口貢賦徭役物產脩識職官則品秩履歷祀典

公署脩識學校則賢宮書院社學義塾脩識選舉
則辟薦公車鄉會賓貢恩例封贈脩識人物則道
德文章忠孝節義宦績士行脩至於騷人墨客抒
襟寫抱觸物咏歌靡不採錄斯乘之槩乎今顏氏
之隨志殆異乎是其屬詞也古其託致也遠其自
任也重論者曰此顏氏之春秋也夫春秋不易言
也昔姬撤既東王政不綱子臣紀裂孔子欲行周
道以正之而不果於是取史氏文而筆削之以褒
以貶以削以懲其義則曰作竊取之蓋具稟矣後

之作若若是弗獲已乎曰非然也夫人各以其身
爲身而大人則以天下爲身吾欲身天下而弗得
天下之大位以行其志若縛黃育手卽癩痿在躬
弗及撫摩何暇拯溺乎然莫禁其神性也顏子是
已顏子鴻襟鉉覽志身天下進退古今國家治忽
否泰人品芳穢淑慝出處章微枉直靡非志氣聯
屬精神激發鬱勃於胸中無以自喻乃假一方之
乘以發舒其欲行未行之蘊則知我罪我之慮有
不必見之言而隱隱可想見矣昔揚子雲草太鉉

抱獨知之契而幾幸於數百世之後後世不必無
子雲而亦不必皆子雲則神契寧不寥寥乎今隨
志文辭具在即耳食靡不出葵寶之然未及百年
而卷帙脫落字蹟朽蠹不特魯魚亥豕爾已再傳
而不草莽委者幾希知詰匠之音邈而弗泯蓋集
教非大也不肖吏於茲土謁郡帥朱大人望見芝
宇冲輪淵穆胞與之懷曆之經濟誠體天地萬物
而不僅以文章政事為海內宗者孜孜下詢建
命輯補頌志蓋穩悉前脩之隱衷惟煙澗之為
不肖安敢不仰承德意輯蠹正譌以付之梓學傳
謝君屬頌子舊治追咏其棠雅助校閱趣叙其端
於是拜手謹書非故曰窺頌之一端也

明萬曆甲寅仲秋吉旦

德安府隨州知州吳下趙士禎拜手謹書

漢東編年志後序

志與史異乎志者史之流也志志郡邑也史史天下也志肇觥於皇丘載陳於夏貢盈列於職方氏
史有二體曰編年曰紀傳編年者以事繫日以日

繫月以月繫時以時繫年約而綴第而不紊紀傳者包括事迹參貫話言馳才力新規制率私意蕩古法茲固淮漢顏氏子謂遷爲局爲辰爲類爲歲者有由然矣然則志亦可史乎編年則史也其要悉於經祖春秋是也自晦翁以綱目開之統相屬焉後絕響者久矣乃顏氏子之志隨也少冢宰顧翁讀之謂爲春秋焉詎非以其直義比事依經以樹則章美錄異附聖以居宗貫乎百氏獲之千載表盛衰鑑興廢者乎或曰將無導耶曰其事則隨

也其文則紀隨事也其義則或揚或闕或婉或諱未嘗訟以僞氏過惡黜之貶之局事之有是故飽奇瑰而出者下文物色驕驍馳騁通都王造二子錄焉何者古今貴知遇也少冢宰顧翁舊以江東三才稱茲又名輔天下矣顏氏子博學曠才砥節彌行適沮抑未究厥施昔坦歌布醉之延年潘公爲繪其文華則顧翁春秋顏子之志也固宜雖然隨茲始志乎非也纂於弘治十三年今計四十載缺續矣中間賢守幾代而顏氏子亦蚤暇林石未

連有請而志之必俟西蜀任守恊謀於其僚信陽
劉子命訪於其訓蒙陽楊子乃克底績何要亦文
也者洩天地之精英也藻繪炳蔚出而駭觀是故
龍鳳呈瑞雲霞雕色觀不可常醞釀蓄歛其時時
乎任守之教先務脩謚政嘉善撲惡用值乃隨是
春秋也嗚其盛也文中子曰三傳作而春秋散後
之作者毋傳焉以散茲春秋

明嘉靖己亥壯月朔署隨州學正事安石王可識

長慶寺重建碑記

梁木

寺建於清涼山之大麓長慶乃始建寺之僧名也
宋元祐年長慶僧來遊焉見山脉肇自唐子茲其
盡處也盡處開兩翼左盤右繞中列平原肖海螺
朝天形西北洪水南迤東注帶於前澆水自北而
南又鹵折會於洪諸朝山嵐翠各獻狀知其有驚
嶺曹溪氣象卽於翼開平原處肇造寺逕以己名
名之不肖如他寺之依山川與地與神名噫異已
傳寺在昔有千僧七井千僧亦遠無據井則墜者
見者頗可識井有七則汲者衆僧云十井所時有

因此一山離頂數武置柳姑菴傳極幽奇古異雖
不可知然遺址猶存也澁岸北十里立寶豐寺即
今寶德觀洪岸南十里立觀音寺即今八大寺類
俱爲木寺侍奉香火僧日蕃長慶師口領大衆就
獅座說法候到輒卓錫京山大揚寺捲簾悟道竟
已成祖此事之可異者也尤異自宋歷元歷明鼎
革數變廢壞者不可枚舉而此寺獨慶其無災慶
矣慶之可謂長矣明末兵火后歲日久寺日圯人
日窮厄懷達多之心鮮達多之力將慮慶之莫得

而長也清順治初年一老衲出觸日墜敗若其身
肩風雨弔百身於葑苔之中若其衣糜藜乃露頂
跣足暑寒不避然指裂脣極募之苦靡不歷人咸
以長慶後身異之官施商施僧施普發歡喜心于
是先建大雄殿高廣有加次建三佛殿進而地藏
殿又進而南向者關帝殿殿北單房火室傍大殿
左東向者大士殿殿北靜室禪房處大殿右越二
十年至康熙之乙巳歲乃大告成是慶之歲不得
長者至此又長慶矣毋寧茲卽如力人避亂還寺

之山而垣之而堡之三十年間其寇無寧響卒無
一夫遺害亦慶之徵也可誌也憶長慶為頭陀時
即具大願力期後作祖可與山川與地與神配而
竟以已名名之又無知識畫中具大知識知寺可
千百年也取已名二字義以標之是長慶之名傳
長慶之寺傳後長慶而俾長其慶者亦傳予記之
以識長慶寺之始末並寺始末之異

太傅何文毅公出祠碑記 右藩李任臺撰

粵稽人君報功於大臣生建第頌建祠以勸忠貞
以揚不朽大臣者能始終純正格君心於無過造
天下以永安慶受享無愧惟我昆杜老師柱石三
朝成開泰保泰之功際小往大來之運而猶以兵
燹未息佐先帝宵旰憂時雖值多艱而不致張皇
以為有相公在也公謙讓不居先後覃恩延賞頒
賜多邊巡辭謝不第範圍裁成相業無比其廉介
至今亦罕有頡頏耑祠大典安可缺乎公家世金

路緣侍公父思泉公作授借胞弟少司空河公八
柱諱宗聖負笈遊隨遂訂乘龍於雙溪王公挾巨
盧靈秀下帷於龍岩鵲鳴間而漢東名士皆從
兩一鄉一相人謂三難楚之有材於焉益振公夙
負神解乙酉舉於鄉乙未成進士選入詞垣歷踐
華要茂躋台輔方切大猷允升之恩初皇祖寬政
省刑凡考選惠文之命歷數年未邀俞旨公微用
封諫諸美乃獲疏通由此得建明者數十董水柔
火烈賴有攸濟丙午巳酉八閏三兵兩借重主司

大辰倫鑒明揚側陋力拒黃綠與授者亦爲敏乎
會孝元孝和兩宮相繼崩逝內外流言謂撫孤無
策公獨密疏付託宜慎皇祖遺之先帝乃安當天
潢繁衍行限祿法以見數均分復明民之業書不
云乎以親九族九族既睦黎民於變時雍於公見
之當先帝之在青宮值公掌容臺篆偶傳旨俾題
請其差異其皇親之親公輒繳還云固不敢宣洩
以損殿下之明亦不敢曲從以傷臣子之節其處
世不阿雖太子不事因是先帝益篤重舊臣首等

公禮部尚書東閣大學士天下蒼生以安石既出
可立致太平無何先帝賓天公哀感欲絕屢辭不
遂且膺登請之命而行人司斗望揚公郵命請隨
幸西冬邊陲失守人情洶洶公慨然就道拮据
席平章軍國任鉅策艱難爲之懼壬戌春奉命典
試禮闈錄四百人皆俊乂向之薛下遺珍一時見
采凡公之晉階臚列如左誥封父祖曾祖嗣曾祖
計四世正疆宇有寧謐之機廟廊有清和之日不
謂公鞠躬盡瘁捐館綸扉朝野悲悼遺疏九事載

在國之若舟井大計動關社稷無事於憂勞是遺
人司禮者公護送馳驟還籍有紅袂歸衣博識
編文殺一命而問再命而倂而俯謙光懋德令始
令終護生鳳毛伯仲叔季四崑玉女三人各作配
名闕皆元配王太夫人出室無媵妾堂不旋馬依
然布衣寒素三十年如一日也日遺命諸郎君以
未竟韓范之功慎勿事豐侈聊值松楸一壞妥
而已是以諭葬諭祭大典業奉俞旨遣太常卿
虛曾公詣隨造葬當通會藩司而未嘗請以撫

中緝唐公按臺又希宋公暨潘臬郡伯諸有司念
公深身浴德正色立朝淡於求名拙於求利特就
題請卽前經奉旨內造葬若千金折餘祭壇若千
金有差僉委如本奈州守鳩工庀材鼎建崇祠於
類宮之左鼎建太傅坊於州治之南蓋基與家謂
有裨贊序云額設春秋祭典及奉祠門役編載全
書歲錢糧若干以垂永久郡邑兩庠諸生暨薦紳
鄉耆公舉太傅碩德各奉公神主從祀鄉賢祠兩
闕呈詞敷布其實匪有溢美公營葬應山之境念

詞呈請永著守祠青衿於隨之州庠永著墳戶青
衿於應山之縣庠焉茲祠工告竣屬佺堂記其事
佺臺辱在門牆親炙盛事敢不採序一言然公實
華衮佺臺而佺臺不文掛一漏萬不能道萬一抱
慚良多所賴口碑不朽云爾公諱宗彥字君美號
崑柱由賜進士出身與庶常歷官十三任時崇禎
九年丙子歲秋九月也

漢東編年志後跋

知州任德

夫非易則天道闕矣非書則王道寂矣非詩則威
道寢矣非春秋則左道昌矣非禮樂則和敬之道
隱矣世有先後其理埒也人有今昔其心埒也紀
有洪濫其道埒也然則斯志之作其亦有所感也
夫

後跋

不佞廷諫髫年時雅習顏父母淮漢名聞成皋降
谷間去隨走集不啻數百里穩父老之傳聞錚錚

欲式廬無繇適今上四十有一年承乏若州博又
一年郡文衡朱大人訛漏我州志謂其華削傲體
麟經雖有當於作者之執第郡國守相暨二三大
夫思以博考掌故未脩也時以日屬州守趙使君
唯唯出腹筭應之如響竣役間不佞諫投對三閱
極知夙志草具顏父母淮漢筆趙使君葦潤便犁
然全璧不謂顏父母有介光不可因惟顏父母狀
初知許時梓里西園薛署吏選君曾讀伯誠許西
京玉華顧姑蘇兩公評夙已識顏心爲之私折久

之令書詞我深之毫庸成方鳩俸不直武人石氏
聖者但中梓請命爰發令轅轅西東祝福百餘祀
此一日盛盛為萬姓不惜一身寧為玉碎勿爲瓦
全其斯身爲國受好乎及不佞諫揮毫個崖諸生
處產時次若龜行至於七禮解燼餘稿樂府讀編
擬古寫眼管其人品學業已足千古矧志而然也
日處於前自鍾於後時勢使然借趙使君凌雲手
筆之題光光原有作固知無以相難者雖然力田
不如遠寺貴貴適合宜獨仕然哉淮漢顏父母起

家於正德丁丑遷居今幾許年而郡文衡殊大人
提提謫志氣益壯不吝博雅高才操五寸管不
日相厭成不依諫望生平藏心竭日困衡爾盛寧
其遇合之奇有如此謹啟

明莫履甲買象全表其隨州儒學學正亳州謝廷諫
識

漢京大府

蒙谷子

漢京大府

氣通荆襄民俗之風類伊洛近隣湖比歐陽子
化之鄉遠隸河南尹師魯閒居之地撫臨兩邑
厲三屯鳳池題進士之名雪竇暇文侯之第劉氏
文房之舊跡何其邈哉邢均和叔之遺蹤未盡善
也今逢林守雅號木軒興祖其名宋述其字學優
則仕山別乘以推刑時至而行旣作州而敏政有
懷召杜多識前言無愧黃龔敦行素履名聞四海
道重三山詞翰瞻於蘇東坡清乎超乎文與可歌
廉叔之五袴笑劉寵之一錢爲三省作試官與群

英立矜式欽泰治幸際離明福我隨民遂成謙德
聞詩聞禮嘗問一以得三玩象玩辭每裒多而益
寡陶後進作先賢士夫頌其剛明同察服其果决
寬柔以教其知孔氏之心木訥近仁願學延生之
樂立登要路遠達亨衢青霄看黃鵠高飛麗澤見
祥麟迭出居是邦也能不遺林下人富哉言乎當
去作朝中客端居師席自得隨珠知我者其惟春
秋勝已者莫如管鮑猗猗綠竹載歌淇澳之章藹
藹白雲長揖商山之皓五事脩衆賓驩諒沒沒以

登天宜拳拳乎愛日梅邊覓句可繼述乎林逋柳
下繫船將驅馳乎劉迥散雲湮於筆硯煥星斗乎
文章平蔡寇以弗憚勞洗淮源而不辭遠西山險
阻除民歛聚之虛聲東野蕭條免戶交忝之橫擾
既著農桑之實又成學校之文嗚呼爲政不難爲
臣不易盡忠報國以禮存心信五馬之足榮慎之
至也惟四知而可愧不日監乎更喜無黨無偏有
爲有守廉頑立懦必聞夷惠之風稽古明經綽有
夏桓之志達可行之天下君子依乎中庸成始成

經必須至敬不憂不懼惟狂作聖一朝辭篆難留
刺史之車多士攀轅請者木軒之頌僕既聞此命
願竭愚誠清水濯纓紀先賢之實行澧泉泚筆匪
小子之空言探三代之文風華六房之文藝采四
方之謠語得百姓之驩心千載異聞式符公論一
時嘉會偶得真儒剪截浮辭常效伊周之法扶持
正道思爲房杜之徒噫嘻惟德有常建功不二彰
明此理復見斯人載月歸船奚待兼金之贖望風
引領寧無數字之褒大國之隨還如徃古豐碑請

樹以表去思頌曰隨大爲國古稱義陽聖生炎帝
賢出季梁近隣鄖蓼遠引荆襄是名太郟沈可安
康古今太守表裏賢良堂堂大元蕩蕩中原隨爲
州治復作侯藩使君林氏雅號木軒登科從仕著
書立言才超邢恕傑出李繁彼美溟陰泮池遊泳
水軒戾止鼓瑟鼓琴鼓琴鼓瑟式昭德音講徹理
器欲正人心允懷尺璧不受兼金春風芹水時爾
梅丘木軒戾止大闢嘉猷詩宗李杜文紹韓歐書
通詩易經學春秋典章旣脩禮樂宜修漢東太守

江表碩儒作事謀始明善復初蕭然公館索爾葺
廬無毀無譽有琴有書美之至也君子人與陰柔
陽剛地久天長君子體之外圓內方居之無倦臨
之以莊激勸農桑捕獲叛亡林侯之德聞然日章
爲政三年日書萬言敬敷五教體用一源乃今解
組父老攀轅藝遊文苑名列鈞垣當歌魯頌以美
木軒白雲飛飛綠竹猗猗有斐君子薄言采詩憲
憲令儀悠悠我思先生升矣小子識之惟石可久
與山不移

明太祖諭僧無念文

佛生西乾爲淨梵國王子既長悲憫衆生罪重魏
山愆深曠海於是驚於累世因緣遂入雲山棲
崖屋獨六載道成歸演妙法天下咸聽其說也成
非非成生死死死生其釋迦之道靈通上下妙貫三
界溥被寰中此其所以稱尊大覺金仙爲此也邇
來靈通侯奏秘知有僧無念者方念群僧中是僧
神僧者也陛下可召會之於是卽遣內臣執飛星

馳數日抵武昌東上橋召起又數日達京師即日
面見朕目是僧無念高年其頂相巍然色身俱備
者嗚呼自童子忘欲至於壽高自愛業而成人辭
本僧之座雲水寮中尋師問道謁高明不已方乃
內觀噫身外無身戒外無戒在處有佛又何指方
尋佛本性卽佛佛外更尋它佛又何佛之行哉今
無念定若巍山戒昭日月於斯之時獨出世僧宅
日脫去其名長壽如月在天世猶諸水所在有水
無水不月豈不千江有水千江月萬里無雲萬里

天鳴呼人問天也者豈不初此僧無念者

明太祖懷清無念文

朕於庶務際中將世人心意較之是非析之兩端
思之再三謀之不已其人之精意變態多端倏此
忽彼是非混淆紛然難析朕閱人既多歷事且久
尙不能治不善而不安善良於仁壽之鄉此果不
思古而有此耶抑人心不古而有此耶嗚呼靜觀
熟慮人之情意始古至今倏然忽然反覆不常艱
於治化古人有云犯刑憲如飲食疾善良如饑饉

信有之不誣也嘗聞西方有大聖人不教而自化
不治而不亂此大覺金仙之道也朕於繁慮中觀
睡佛之道者能如是快矣淺出三界而不輪迴神
通妙用無礙於上下逍遙乎兩間常云出世斯出
世也苟者僧無念戒行精於皎月定惠無若巍山
暫來一會去比常懷懷之不已遣人就見特以松
實供之兼以詩勞之

傳

季梁諫追楚師 左傳

楚武王侵隨使遺章求成焉軍於瑕以付之隨使
少師董成鬪伯比言於楚子曰吾不得志於漢東
也我則使然我張吾三軍而被吾甲兵以武臨之
彼則懼而協以謀我故難間也漢東之國隨焉大
隨張必棄小國小國離楚之利也少師侈請羸師
以張之熊率且比曰季梁在何益鬪伯比曰以為
後圖少師得其君王毀車而誦少師少師歸請追
楚師隨侯將許之季梁止之曰天方授楚楚之羸
其誘我也君何憊焉臣聞小之能敵大也小道大

淫道忠於民而信於神也土恩利民忠也祝史正
 辭信也今民饑而君逞欲祝史矯舉以祭臣不知
 其可也公曰吾牲牲肥膋粢盛豐備何則不信對
 曰夫民神之主也是以聖王先成民而後致力於
 神故奉牲以告曰博碩肥膋謂民力之普存也謂
 其畜之碩大蕃滋也謂其不疾疫蠶也謂其備膋
 咸有也奉盛以告曰粢粢豐盛謂其三時不害而
 民和年豐也奉酒醴以告曰嘉粟旨酒謂其上
 者有嘉德而無違心也所謂馨香無譴也

其三時脩其五教親其九族以致其禋祀於長平
 民和而神降之福故動則有成今民各有心而鬼
 神乏主君雖獨豐其何福之有君姑脩政而親
 第之國庶免於難隨侯懼而修政楚不敢伐

何文毅公列傳 載先明國史

何宗彥字君美號崑柱湖廣隨州籍江西金谿人
 中萬曆乙未進士改庶吉士丁酉授編修丙午福
 建主考丁未轉中允己酉轉諭德應天主考辛亥
 陞左庶子癸丑陞詹事府少詹事掌翰林院事尋

轉正詹事教習庶吉士乙卯陞禮部右侍郎公歷
仕二十餘年清恬一節而遇事公正不阿當萬曆
中考選歷數載不下言路扼塞公徵用封試諸差
通其窮而代藩爭繼秦藩冒封中外以賄賂相煽
公屹立不動先帝在青宮間有稱令旨到部者卽
時封還且密啓言不便先帝嘉納所裨益潛德益
微孝元孝和兩宮繼崩帝方在齠道路誼傳有爲
撫孤之說者公密疏言什說宜慎呈祖體之已未
廷推公扼於廷者於是官議公車公論益著庚寅

先帝卽位篤志舊臣首採廷議晉公禮部尚書兼
東閣大學士天下想望風采辛酉先帝襄祔禮成
加太子太保進文淵閣本年晉少保壬戌會試主
考官王鏊成推恩總裁加太子太傅癸亥光宗寶錄
成加少傅兼太子太傅改戶部進武英殿賜養衣
鞍馬皇子生復加少傅兼太子太師改吏部進建
極殿時東西用兵公雅志匡時心嬰王務憂憫之
懷形於詞色忽忽病卒上震悼賻予甚厚遣行人
護歸贈太傅諡文毅公德器端凝酒養淵達署禮

六年佐政三年知無不爲言無不盡一時推清執者必首公云

祥異志

鼎雉興邦床禱禍國祥異之所由著也然罔若淑而不昌疇逆失而能存倪德繆歲昌言罔星此何以稱焉隨歷世既久隆替不一或積或孽將亦鑒觀歟余則曰勤盡人事而已天道無親常與善人民無常懷懷於有仁又不獨端美塞翁也志祥異宋寧宗慶元四年旱蝗民愁知州趙方徒行四郊而

雪一夕大雨蝗死歲熟

元成宗元貞元年五月野蠶成繭亘數百里民取焉
續

明永樂十一年正月辛卯日有食之

成化四年五月庚申雨雹大旱饑七月有星孛於台
斗

七年春有星孛於天田

八年有星孛於軒轅

弘治二年雨豆種之不實

七年三月己卯朔日有食之

止德元年七月有星孛於北斗

二年正月乙亥朔日有食之 三月儒學產芝二

本

十月花盛開 鑿箕巷張必顯妻崔氏生髭長三

寸暴死

十一年八月庚午星隕有聲如雷 六月乙巳朔

日有食之

十五年三月癸丑朔日有食之

三年正月地震

六年四月八日

重震

七年五月辛未朔日有食之

萬曆四十四年八月蝗蝻蔽天

四十五年冬地震有白氣如銀月乃夜見於東方

月餘乃退

四十七年夜地動 十二月三十夜四方有赤光

如鎗形

天啓四年州城南關民家產雙頭牛

五年唐縣鎮雨豆形如彎豆灰色

七年魯城河民家產麒麟 冬日有食之暈暗失

明

崇禎四年七月地震

五年冬月雷

七年虫蝗蔽日

九年五月地震聲响如雷牆屋皆動

國朝

順治三年岸見於隨之大洪北 傳云隨山見

利於山行後虎狼多所搏噬信然

隨治西北九十里蓮花寺有娑羅樹一株東西二

幹圍丈餘蔭可二畝宋遺產也明崇禎末東幹

稍死至今

康熙二年忽長新枝踰年遂鬱鬱如前遠望如蓋行

者薪休息焉又其木不可以薪燃之則氣味不

堪入鼻故樵者不取欲取其子須嘉祥尋之聞

人聲則不見其靈異如此

隨州志卷之四終



